



Se ome tlajtolli tlen Amatlanotsali (Convocatoria) tlen Concurso Público 2026 kanpa uelisej motekikalakiaj ipan Servicio Profesional Electoral Nacional tlen sistema INE

Ni Instituto Nacional Electoral (INE) ika ni Dirección Ejecutiva tlen Servicio Profesional Electoral Nacional (DESPEN), nochi kinyoleua o kinnotsa ajkia inijuantiq teeuantisnekij uan nojkia tlen ni personal de carrera tlen ni Instituto ajkia kineki se achi tlejtokot tekitlalistli, ma teeuanti ipan ni Concurso Público 2026 motekitlalis ipan ni Servicio Profesional Electoral Nacional (SPEN), kej Declaratoria tekinauatili mokaua tlen kiyejyekojtok ni Junta General Ejecutiva.

Ni Concurso kitokilia kitlapejpenis, ika se ome neestok ixtlachialistli, ajkia inijuantiq nelia kikualitaj tekitisej ipan servicio público kanpa tlapaleusej kixitlauaj uan kikualtlaliaj teemachtli tekitlapejpenili, ijkinoy kichikauilisej tosansej kotekitilis (democracia) ipan Mexko tlali.

I. Tlachketl motechmonekis kemaj titeeuantis

- Timexko tlali ejketl uan amo tijpolojtos monauatilmatis
- Tijpias tlen nojuaj yankuik mocredencial tlen elector
- Amo titlatskitos ipan se partido político
- Amo titeeuantitos, panotok eyi xiuitl, ika se tekitl ipan se partido político
- Amo mitstlakaualtijtosej teekuajtinij amo xitekiti
- Amo mitsxejxelojtokej ika INE o ipan motekij panpa titlajtlakolej
- Xikaxilti o xijpia motlamachtijkaj uan xikixmati nopa tekitl
- Kuali xipankisa ipan tlayejyekolmatilistli
- Tijpaneextis uan tikixuasanijtos machiotl “8 de 8 contra la violencia”

II. San se topatiyo tijteemachiltis

Ika san se topatiyo uan amo teekokolia o teeikatlalia ni Concurso Público 2026 monemilia. Yeka moseemakatok amo teeikatlalis, panpa kiiqtos tijpiaj seyok toneluayonemilis, totlajtol, toxiuij, tlaj tikokolisojkej, tisiuamej o titlakamej, ajkia ni tojuantiq, toneltokilis ika se toteotsij o seyok tlamantli. Yeka nojkia kinyolixmati uan



kinselia maseualmej uan afromexicanas mejkatsaj seyok innemilis, tlaj siuamej o tlakamej, panpa kena kintlepanita uan kinneltoka.

Ni Dirección Ejecutiva tlen Servicio Profesional Electoral Nacional (DESPEN) tekiuajkayotl, momatlapoua uan moteemaka teemaktilis ni tlamantli: kismoyauas machiotlajkuiloloj amatl, se kototsij tlaixtontli tlajtoli tlen Amatlanotsali (Convocatoria) ika maseualtlajtoli; teeyakanas panpa kineki kuali ma kitekiuikaj ni Subsistema; kinkualtlalilis nopa micrositio kanpa uelisej kalakij ipan nopa tepostli; kinmakas machtiloyotl kemaj kinyoltlajtlanisej ixtlamatilstli; uan noijki kinpaleuis teeuantini kemaj kinixtlajtlanisej kej tlajtolixneextini Lengua de Señas Mexicana, o tlaj axtle, kinyakanasej kanika intechpoui yasej o mokauasej.

Ajkia inijuanti kokolisojkej, kemaj moijkuilosej, uelisej motlajtlaniaj ma kinpiakilikaj iniyolo kemaj teeuantisej, kipiaj asta majtlaktli tonatij nimaj motlajtlanisej ma kinpaleuikaj, kej kiteeneua nopa Guía amatl. Noijki, tlaj monepantlalis, INE tekpanonij tlayakananij kipiaj mojmotlaj inintekipaj expouali minutos kinpaleuisej nopa kokolisojkej teeuantini. Uelis kiijitasej nopa tlamantli kemaj kimatijya ajkia inijuanti teeuantisej uan kinixtlamatilyejyekosejya.

III. Kenijkatsaj motekijtekpantias ni Concurso 2026

Monemilis ika chiknau tekitekpantlali ni Concurso Público:

Mosemoyauas moteematiltis Amatlanotsali (Convocatoria)	uan ni	Amatlanotsali (Convocatoria) mosemoyauas uan moteematiltis ipan 26 itekij marzo meetstli tlen ni 2026 xiuitl, ixneesis ipan www.ine.mx isuatepostli, kanpa ixneesis tlen amatl motechmonekis ipan ni Concurso Público. Uan ixtlamiti ipan 12 itekij abril meetstli tlen ni 2026 xiuitl.
---	---------------	---



Moiykuilosej, teeuantisej uan kiijitasej keskij tlen melauak teeuantisej	Ni moiykuilosej uan teeuantisej tekitlalilispaj mochiuas ipan Subsistema tlen Concurso Público (https://concurso-publico-spen.ine.mx), peuas ipan 6 uan tlamis ipan 12 itekij abril meetstli tlen 2026 xiuatl. Uan ajkia inijuantij moteemachiaj nelia teeuantisej, inixtlayejekolmatilis monemilis peuas ipan 25 uan tlamis ipan 30 itekij meetstli abril ipan Juntas Locales uan Distritales Ejecutivas tekialoyaj.
Mitschiuilisej tlayejekolmatilistli: se	Monemilis ipan 16 itekij mayo meetstli tlen ni 2026 xiuatl, motookayotia “examen desde casa”, ma achtoui moyejekos kenijkatsaj monemilis. Teeuantiketl moneki kiplas internet uan nochi equipo tlen cómputo ika cámara uan micrófono, kej kiijtoua Guía amatl.
Amatlajtlachilisej:	Ipan 5 peuas uan ipan 12 itekij junio meetstli tlen ni 2026 xiuatl tlamis, yeka ipan ni kauatl (tiempo) moneki moamakalakisej ipan tepostli ipan ni Subsistema tlen Concurso Público, kanpa ixneesis melauak xitlauak iamauaj eltojka.
Mitschiuilisej tlayejekolmatilistli kanpa kiitasej kenijkatsaj moyolo se	Ni tlayejekolmatilistli monemilis ipan 27 itekij junio meetstli tlen ni 2026 xiuatl kanpa Juntas Locales Ejecutivas tlanauatiloyaj.
Mitsixtlajtlanisej se ome tlamantli	Peuas ipan 8 itekij julio meetstli tlen ni 2026 xiuatl inixtlaj tlen INE tekichuanij.
Moamatlalisa tlapouali teeuantinij: keski kixilijkej	Monechikos nopa tlapouali tlen kixilijkej ika tlayejekolixmatilistli, tlen kenijkatsaj moyolo ixmatilistli uan nopa ixtlajtlanilistli yejekoli. Tlayejekolixmatilistli tlen elito, mosemoyauas ipejya tlen ome semana agosto meetstli.



Kintookajmatijsejya ajkia inijuantij tlatlankej:	Ni kemaj kintookajmatijsejya, monemilis ipejyaj ipan naui semana tlen septiembre meetstli tlen ni 2026 xiuittl.
Kitekiuisej tlen mokajtokej tookajyotl:	Mosemoyauas teematiltisej kaxtoli tonatij teipaj kemaj kintookajmatijsejya. Ipan sejsej tekitlalilistli onkas ome tlatekpantli tookayojmej: se tlen siamej uan se tlen tlakamej; ni tlatekpantli tookayojmej eltos kaxtoli uan eyi meetstli.

Ipan ni tekitlalilistli, ni tlayejyekolixmatilistli monemilis ipan eyi uan tlajko hora, o tlaj axtle, makuili hora, panpa moixneextis módulos uan tlajtlanilistli (reactivos) tlen kiuallika nopa tlayejyekolixmatilistli. Tlatamachiualli moixneextis ika 0 a 10 ika ome decimales.

Tlen achi temotok tlapouali tlatamachiualli moijitas tlen kinemilia Amatlanotsali (Convocatoria) ipan sejsej tekitlalilistli.

Tlen achi temotok tlen itlamiaj tlapouali tlatamachiualli tlen kinkualita kualkistokej ya ni 7.00 tlapouali, uan mosansejktlalis ika ni sekinokej tlatamachiualli:

- Tlayejyekolixtlatamitilistli: 60%
- Tlayejyekoli tlen kenijkatsaj iyoltlajlamikilis: 10%
- Ixtlajtlanilistli: 30%

IV. Tlajlamikilojtli tlen kintookajmatijsejya

Tekiteetlalisej kej kiijtoua o kinemilia sejsej tekijtlalili:

1. Vocalías Ejecutivas tlen Juntas Locales Ejecutivas:

- Ome tookajmatilistli onkas. Achtoui naui tekikaualistli siamej kikonanasej uan teemaktilisej kej intojtookaj ixneesi. Teipaj, eyi tekikaualistli tlen mokajtokej, monemilis ajkia inijuantij achi tlejktok inintlapoualaxilis. Uan motekijteemaktilis ajkia tlen achi neltlejktok itlapoualaxilis kipia ipan nopa Concurso Público.



2. Sejsej cargos uan puestos tlen Vocalía Ejecutiva tlen Junta Local Ejecutiva:

- **Tekitl tlen siuamej intechpoui:** 101 tekitlalilistli tlen mokaua, siuamej kitokilisej kej motlekanaltijtok inintookayo.
- **Sejsej motekijtlalilijtiasej:** 93 tekitlalilistli tlen mokaua, ni monemilis kemaj san nepantik mosexxelojtok tekikalakilistli ika siuamej uan tlakamej. Ni tekikalakilistli monemilia ika sejsej, achtoui peua ika siuamej kej ixneestiyajtok intojtookaj.
- **Maneltik tlajlamikilojtli tookajmatilistli:** 101 tekitlalilistli tlen mokaua, 70% siuamej intechpoui, uan nopa 30% tlen mokaua, elis intechpoui ajkia inijuantiy kipiaj achi tlejktok inintlapoualaxilis. Monemilis ome tookajtekpantli, tlen achtoui siuamej inintechpoui elis uan nopa seyok tookajtekpantli kinmajmakasej tekitl, ajkia inijuantiy nelia kualitlapoualaxilijkej.
- **Tlen tlantok achi tlejktok inintlapoualaxilis:** 31 tekitlalilistli tlen mokaua, kinmajmakasej ajkia inijuantiy siuamej tlen melauak inintechpoui uelisej kikonanaj ni tekitl. Kej namaj kej ni, tlen mokaua tekitl kitechpouiltisej ajkia achi neltlejkojtok itlapoualaxilis kipiaj.
- **Tlajlamikilojtli tlen intechpoui distritos maseualtinij intlajtol:** Nikaj moteemachia tekitlalilistli tlen mokaua ipan Juntas Distritales Ejecutivas ipan distritos, kikonanasej maseualmej tlen uelitij maseualtlajtouaj kanpa indistrito chanchiuaj, ijkinoy uelitisej tekichiuaj, kej kiteeneua amatlanauatili. Ni tlajlamikilojtli nimaj moixtlalis, mejkatsaj ayikanaj ixneestok ajkia inijuantiy kintekimakasej; uan tlaj axakaj maseualtlajtoua, uaajka moijitas tlajlamikilojtli tlen Amatlanotsali (Convocatoria) kiteeneua.

Ipan amaisuatepostli www.ine.mx nopaya mosemoyauas uan moyolmelauas nochi tlen ni Concurso Público; uan ni tlen ajkia inijuantiy teeuantikej, kinyolmelauasej ipan correo concurso-ine.spen@ine.mx. Kemaj mochiuas ni tekitl, ixneesis INETEL tlen techmapaleuis, ipan 800 433 2000 teposmekatl, ipan lunes a viernes, peua a las 9:00 uan tlami a las 18:00 horas.